

No. 250. 1281. 8. Jan.

*Br. Paulus, B. von Tripolis u. apostol. Nuntius befiehlt dem B. von Meissen, den B. zu Merseburg und den Erwählten von Naumburg und dessen Capitel in den Kirchen seiner Diöces als mit dem Kirchenbann Belegte öffentlich verkündigen zu lassen.*

Frater Paulus de ordine fratrum minorum permissione divina Tripolitanus episcopus, apostolicae sedis nuntius specialis, venerabili in Christo patri et amico karissimo domino . . . dei gratia Missinensi episcopo cum sincera dilectione salutem. Dudum Mersburgensi et Nevnburgensi episcopis ac capitulis, eorundem statu et conditione suarum ecclesiarum diligenti meditatione pensatis, certam procurationis nostrae solvendam nobis imposuimus quantitatem, et quia in terminis eisdem praefixis provisionem impositam non solverunt eandem, excommunicationis in personas et interdicti in eorum ecclesias incurrerunt sententias ipso facto. Verum inobedientias ipsorum non valentes aliquatenus tolerare per fratres praedicatores et minores locorum provinciae Saxoniae excommunicatos auctoritate apostolica dictos praelatos mandavimus nuntiari. Qui licet de dicta impositione partem exolverint, occasione tamen residuae quantitatis dicti praelati excommunicati et interdicti remanere contumaciter voluerunt. Postmodum vero dicto Nevnburgensi episcopo viam universae carnis ingresso . . . praepositus ipsius ecclesiae in episcopum Nevnburgensem electus multipliciter aggravavit fratres minores suae diocesis ad hospitalitatis beneficium, non sine Romanae ecclesiae et nostro contemptu. Quocirca paternitatem vestram rogamus et hortamur attente, vobis auctoritate apostolica sub excommunicationis poena, quam in vos ferimus in his scriptis, si mandatum nostrum in hac parte contempseritis adimplere, nihilominus iniungentes, quatenus praedictos . . . episcopum Mersburgensem et electum ac capitulum Nevnburgense tam diu excommunicatos per vos et alios in ecclesia vestra et aliis ecclesiis civitatis ipsius ac diocesis vestrae publice nuntiare curetis, donec nobis satisfaciant et ab huiusmodi fratrum molestiis resipiscant. Datum Wienae anno domini millesimo CC°. LXXXI°. die Mercurii post festum Epiphaniae.

Nach dem Orig. im K. Haupt-Staatsarchiv zu Dresden; das auf der Rückseite der Urkunde aufgedrückt gewesene Siegel in dunkelgrünem Wachs ist abhanden gekommen.

No. 251. 1281. 8. Aug.

*B. Withego eignet den Domherren M. Tilmann gen. von Torgau, Probst zu Budissin, und Conrad von Boritz, Schatzmeister des Hochstifts, sieben von ihnen erkaufte Hufen Landes zu Kaufbach bei Wilsdruf, über deren Erträgnisse sie bei Stiftung ihrer Jahrgedächtnisse in der Domkirche zu verfügen gedenken.*

In nomine domini amen. Nos Withego dei gratia Misnensis episcopus ad notitiam praesentium et ad memoriam futurorum pervenire volumus, quod dilecti filii magister Tilmannus praepositus Budesinensis dictus de Turgowe et dominus Conradus de Boruz thesaurarius ecclesiae nostrae, canonici Misnenses, septem mansos solventes